

Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunioni innuttaasut ataatsimiisinnerinit apeqqutit akissutillu

Kangerlussuarmi innuttaasunik ataatsimiisitsineq

9. maj 2015 nal. 19.00-22.00

50-it missaat takkupput

Inersuarmit apeqqutit

Niels Erik Rasmussen:

Sumiiffimmi sorlernik aatsitassaqaarpa?

Aatsitassarsiorfiup ingerlannissaata qanoq sivistiginissaanik pilersaaruteqarpisi?

Hudson Resourcesimit Rune Keiler:

Sumiiffimmi oqimaatsunik saviminissaqanngilaq akuutissanillu qinngornernik ulorianartunik peqarani. Ujaraq assut soqutiginaatsuuvoq.

Aatsitassarsiorfiup atuuffissaa toorneq qaqortoq ukiut 20-uvoq. Saqqummiussinermi tassaavoq taanna toorneq qaqortoq. Tassaavoq nalunaarusiami naatsorsuutigisarput. Kinguaariinnulli arlalinnut anorthositeqarpoq.

Fritz Baumann Petersen:

Ukiumut aatsitassarsiorfik qaammatini qulingiluani ammasassaaq, nunatsinniillu sulisartunik atorfinitsitsiniarlusi. Qaammatini pingasuni sulisartut qanoq iliorfigineqassappat?

Hudson Resourcesimit Rune Keiler:

Qaammatini qulingiluani kangerluk angallaviusinnaavoq. Angallaviujunnaaraangat maskiinat atortullu aserfallatsaaliorlugit suliaqartuassaagut, sulinngiffeqassalluta, aammalu umiarsuup siulliup anorthositimik nassarsinnaasup tikinnissaa piareersarfigalugu.

Fritz Baumann Petersen:

Toorneq qaqortoq ukiuni 20-ni ingerlanneqassaaq, sinnerutsitallu tatsimut

kivisinneqassapput. Tasermi aatsitassarsiat sinnikuinut ukiunut 20-nut inissaqassava?

Hudson Resourcesimit Rune Keiler:

Aap. Siorangorlugit aserortikkat imermik maqinneqarlutik tatsimut maqillugit nuunneqassapput. Seqummakunngortitat annikinnerpaanngortinniarni ilungersuutigalugu sulivugut. Pitsaanerpaaffiani taamaallaat tasermit 4 %-it kivisissavagut. Tasermmi nuussaasut naleqartuupput. Sequtserniarnerani solaari atugaavoq, taamaattumik maqinneqartussat annikinnerpaassapput.

Adam Lyberth:

Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqquutit akissutillu

Orkidenut tunngatillugu nersualaarussuppassi. Orkideqarfik avaqquullugu aqquinnorsimanersi nersualaatariaqarpoq.

Hudson Resourcesimit Rune Keiler:

Sangorialioqqittariaqarsimavugut, taamaaliorniarlutalu ujaqqat 200 kubikmeterit qaartittariaqarsimallugit.

Flemming Bisgaard:

Ingerlatseqatigiiffik Hudson Resources qanoq angissuseqarpa?

Hudson Resourcesimit Rune Keiler:

Tassaavoq Torontomi børsimi niuerfigineqartutut aktiaatilinnik ingerlatseqatigiiffik ukiunik 12-13-inik pisoqaassusilik. Naatsorsuutit tamanut ammapput, aktiallu 700-upput. Ingerlatseqatigiiffimmi atorfeqartut pingasuupput, Jamie Tuor, Jim Cambon uangalu. Asimiikkaangatta atugassatut pisariaqartitagut atorfinitsittarpagut, suliaqarfiit ilaanni inuit 35-t tikillugit. Ingammik diamantinik aatsitassallu qaqtigoortut saviminissaannik ujaasinerit immikkut ilisimasalippassuarnik pisariaqartitsipput. Manna pisariinnerujussuuvuq, taamaattumik nammineq kisiinnangajatta ingerlassinnaasimavarput.

Flemming Bisgaard:

Nunarsuarmi allanik assingusunik aatsitassarsiorfeqarpa?

Hudson Resourcesimit Rune Keiler:

Kangerlussuup eqqaani taamatut aatsitassartalimmik taamaallaat sumiiffimmik peqarpoq. Aningaasarsiulerutta Kalaallit Nunaanni sumiiffinnik nutaanik nassaarniarnermut aningaasat taakku atornissaat neriutigaara. Ingerlatseqatigiiffinnut allanut tamanut naleqqiullugu siviisunermik Kalaallit Nunaanniissimavugut.

Flemming Bisgaard:

Sioqqanut ullumikkut aki qanoq naleqarpa, akillu allanngorartarnerinut qanoq malussarissuseqartoqarpa?

Hudson Resourcesimit Rune Keiler:

Tassaavoq suliffissuaqarfimmi aatsitassaasoq, assupilussuarlu unammillersoqarpoq, taamaattumik aalajangersimasumik akimik peqartoqanngilaq, suliffissuarmullu tonsikkaanik pilersuutigisani amerikamiut dollarii 150-nit 200-nut. Akilli qaffannissaat upperaarpur, anorthositimmi sioraliarineri assissaqanngillat. Tunisassiatsialaavoq. Unammillerfinni taamatut pitsaassusilimmik annerpaaq kilometererpassuarnik ungasissuseqarpoq – qaammammi. Norgemi assingusumik pitsaassutsimik peqarpoq, taannali nunami allanngutsaaliukkamiippoq.

Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu

Kissarsuutit sioqqanik glasfiberinnngortitsillutik aatsitsissut ikiinneqareerunik ukiuni 20-ni ingerlassapput, taamaattumik ukiuni 20-ni sioqqanik taakkuninnga pisariaqartitsisoqassasoq qularutiginnngingaatsiarparput.

Niels Erik Rasmussen:

Uagut nammineq anorthosit glasfiberiliarisinnaavarput?

Hudson Resourcesimit Rune Keiler:

Apeqqummut tassunga naatumik akissutissaqarpoq – naagga. Kissarsuutit assupilussuaq sarfamik pisariaqartitsipput, innaallagissiornermullu nammineq suliarisinnaanngisatsinnut naleqqiullugu aatsitassarsiorfik inisseqqarnerluppoq. Assersuutigalugu Alcoap aluminiliorfianut erngup nukissiorfeqaraluarpat tamanna pisinnaassagaluarpoq. Namminerli pisinnaanngilagut.

Hans Lyberth:

Misiliinerni kanngussaartoq paasineqarpoq, tamanna qanoq isumaqarpa?

Hudson Resourcesimit Rune Keiler:

Kanggussaqaassuseq qaffasinnerusoq pissusissamisoorpoq, qanittumi taanna ujaqqanit aniatitaalluni. Baselinemi annertunermik kanngussaqaassuseqarpoq. Tamanna uagut sioqqulluta tamaaniippoq. Maannakkullu tamanna iliuuseqarfigisinnaanngilarput. Imermit misissugassanik tigooraasoqarsimavoq, taakkulu maannakkut laboratoriamiipput. Sumiiffimmi aatsitassaasut pissutigalugit annertunerusumik pissusissamisoortumik imaqartoqarpoq.

Flemming Bisgaard:

Tonsit 3.000-it aaniarlugit aqquinniorallarsimavusi. Taamarsuaq tigusaqarnerup pisinnaanera uppernarpiannikkaluarpoq, ullumikkumut ilisimasassigut ilisimasassasi paasisinnaagaluarlugit.

Hudson Resourcesimit Rune Keiler:

Ukiualuit qaangiupput 100 tonsinik tigusaqaratta, kissarsuutaatillit misissugassarserusummata, taamaalillutik inernerisaata pitsaassutsimigut atorneqarsinnaaneranik misiliiniaramik.

Ajoraluartumik taamatut misiliutissap nassiunnera akisuupilussuuvoq. Laboratoriami misiliinernik il.il. suliaqartoqarsimavoq, eqqortumilli aamma misilitassaavoq. Tonsikkaanut 150-init 200 dollarsinut akeqarpoq – annertunngilaq, tamaanngaanniillu ujaqqanik tigusiartorsinnaavusi.

Jesper Høy:

Ingerlatseqatigiiffimmi aktianik pisiaqarnissamut periarfissaqarpa?

Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu

Hudson Resourcesimit Rune Keiler:

Børsi ataasinngorpat ammassaaq, tassanilu aktia ataaseq 44-45 centilerlugu pisiarisinnaavat. Aningaaserivik illit attavigisat ilinnik niuerussisinnaasup attaviginissaa siunnersuutigissavara. Nammineq inuit pisiaqarnissaannik siunnersorsinnaanngilagut, akimmi apparpata akerarpassuaqalissaagut. Aktianik niuffaffimmi akit qaffattarlutillu appartarneri sianigineqartariaqarput.

Jesper Høy:

Glasfiberimut kulfiberimullu unammillertoqarpa?

Hudson Resourcesimit Rune Keiler:

Kulfiberi suli akisuupilussuuvoq, glasfiberili imatut atorsinnaavoq assersuutigalugu anorisaatinut atorpeqarsinnaalluni. Siunissaq nalornarpoq. Tullinnguuttut immaqa tassaapput nanorørit.

Borgmesteri Hermann Berthelsen:

Ilissi, Kangerlussuarmi innuttaasut IBA-mik isumaqatigiissut pillugu isumaqatigiissutinut atatillugu sunik piunasaqarusunnersi peqatigiillusi isumaliutigilluassagissi pingaartupilussuuvoq. Assersuutigalugu IBA-mik isumaqatigiissummi innuttaasunut iluaqutaasussamik Qeqertarsuatsiaani rubinisorfik aningaasaateqarfinnik pilersitsisimavoq. Aningaasaateqarfiit qanoq piliarinissaat pillugu Qeqertarsuatsiaanit innuttaasunit siunnersortissaagut, taamaalilluta Hudson Resourcesilu isumaqatiginninniutigisinnaassallutigit.

Jesper Høy:

Illua'tungaaliartussaq geologi oqaloqatigaara. Unammillertuua?

Hudson Resourcesimit Rune Keiler:

Suliniut sunarpiaq pineraat erseqqivissumik ilisimanngilara, nalunngilarali kangerluup ilua'tungaanusumi nikkelimik ujartuisut.